

T. Tangan

Berita Bandaraya

DEWAN BANDARAYA KUALA LUMPUR

“TUNTUTAN DARI PUSARA”

Datuk Bandar
Kuala Lumpur,
mendeklamasikan sajak
‘Tuntutan Dari Pusara’



Bagi penggiat seni di Kuala Lumpur yang tidak mempunyai ruang untuk merealisasikan bakat dan hasil seni, mereka boleh berbuat demikian di Lanai Seni yang terletak bersebelahan Panggung Wayang Coliseum, Jalan Tuanku Abdul Rahman.

Pelancaran program Ilham Seni di Lanai Seni, Laman Tuanku Abdul Rahman, telah dirasmikan oleh Y.Bhg Datuk Mohamad Shaid Bin Mohd. Taufek, Datuk Bandar Kuala Lumpur, pada 6 Julai 2002.

Semasa ditemu bual oleh pihak media, Datuk Bandar Kuala Lumpur telah menyatakan hasratnya untuk menjadikan Kuala Lumpur bernyawa kembali kerana bandar raya ini seolah-olah tidak mempunyai jiwa (*city without a soul*). Dalam majlis yang sama, Y.Bhg. Datuk Mohamad Shaid telah mendeklamasikan sajak hasil nukilan Y.Bhg Datuk bertajuk “Tuntutan Dari Pusara”.

Persembahan Ilham Seni sebagai hiburan hujung minggu adalah meliputi deklarasi sajak dan puisi, nyanyian lagu puisi, berbalas pantun, Teater Mini/Bangsawan, permainan alat muzik tradisional, jualan barangan kraf tangan, melukis potret dan lain-lain aktiviti seni.

Warga komuniti ada individu atau berkumpulan adalah dijemput untuk mengambil bahagian bagi mempersembahkan bakat mereka menerusi mana-mana cabang seni yang berkenaan.

Acara-acara di Lanai Seni ini akan diadakan dua kali sebulan (cuti Sabtu pertama dan ketiga) dan orang ramai dijemput menyaksikan persembahan tersebut.

Tuntutan Dari Pusara

Ribut, ribut...., ribut.....
Berdesir merentap
Akar terbungkas
Tunjang simpang
gelimpang, ranap.
hancur...!

Sepi.
Sunyi.
Tis, tis, tis
Embun azimat keramat
Bayangan tunas
Biar berkurun kering
meragut
Disini moyangmu
tertiarap

Di sini, di sini pusara
Terdiri Harapan
Api menjulang,
menyembur meledak
menuntut
Sumpah Jatimu
Jatimu,
Ribut, ribut...ribut
lagi

Akar terbungkas libas
menghempas
Lagi, lagi dan lagi...
Berhenti? kapankah
berhenti?
nah, lagi membungkus
Igauan mencengkam,
menekan
Jatimu, jatimu...!
Alah kersani moyangmu
Berkurun menunjang
Menuntut jatimu
Pusara membakar,
menjulang meledak
menuntut jatimu
Jatimu, jatimu!
Tidakkah kau tahu,
Moyangmu?
Kau!?

Datuk Mohamad Shaid Bin Mohd. Taufek

Rencana Pengarang

Membaca merupakan satu kegiatan yang sangat berfaedah yang menjadi tunjang kepada budaya ilmu dan salah satu faktor yang mampu memartabatkan tamadun sesuatu bangsa.

Melalui pembacaan, manusia dapat menambah maklumat dan ilmu pengetahuan, membuka minda dan menjernihkan jiwa, mencambahkan fikiran dan idea serta memperluaskan persepsi di samping dapat menggarap dorongan dan motivasi, menimba ilham dan melahirkan kreativiti.

Selain itu, membaca dapat memantapkan keterampilan diri kerana melalui seseorang boleh berkomunikasi dan berinteraksi serta mampu membuat keputusan, rumusan, gagasan dan pandangan dengan bernas dan bijaksana. Tidak hairanlah kenapa membaca dan menuntut ilmu menjadi fenomena penting dalam budaya bangsa-bangsa yang maju di dunia.

Menyedari hakikat bahawa rakyat Malaysia kurang membaca, maka DBKL memang menyokong usaha dan kempen kerajaan untuk menggalak dan menarik minat orang ramai khususnya warga kota supaya suka membaca. Sehubungan dengan itu, DBKL telah menyediakan kemudahan Perpustakaan Awam yang luas rangkaianannya untuk faedah warga kota.

Di samping itu, DBKL dengan usaha sama MIMOS menyediakan 2 buah bas untuk Unit Internet Bergerak yang memberi perkhidmatan internet dan multimedia kepada kanak-kanak di 36 buah sekolah di Kuala Lumpur. Selari dengan perkembangan terkini, DBKL sedang membina Bangunan 3 tingkat Perpustakaan Digital Kuala Lumpur yang dijangka siap pada tahun 2003. Segala usaha yang dilaksanakan oleh DBKL adalah bertujuan untuk menjadikan masyarakat Kuala Lumpur sebagai masyarakat yang berilmu dan serba tahu.

Mutiara pujangga :-

**"Seuntung-untung orang yang lupa, lebih
untung lagi orang yang ingat dan
berwaspada"**

Ronggowarsito - Pujangga Jawa (1802-1873)

Khidmat

Jabatan Kerja Awam

Tingkat 17, Bangunan DBKL, Jalan Raja Laut
03-2699 3597

Jabatan Seni Taman & Kawalan Pembersihan Bandar

Tingkat 16, Menara Dato' Onn, PWTC
03-4045 3320

Direktorat Penguatkuasaan

Kaunter Bayaran, Tingkat Bawah Blok A,
Jalan Tun Razak, 50400 Kuala Lumpur.
03 - 4023 1133

Jabatan Perancang & Kawalan Bangunan

Tingkat 8, Bangunan DBKL, Jalan Raja Laut
03-2691 6011 samb. 3806/3868

Jabatan Pengangkutan Bandar

Tingkat 19 Menara Tun Razak, Jalan Raja Laut.
03 - 2691 0555

Jabatan Kesihatan

Tingkat 2, Bangunan Pentadbiran,
Km.4, Jalan Cheras.
03 - 9284 5166

Jabatan Pengurusan Penjaja & Perniagaan Kecil

Tingkat 4, Bangunan PKNS, Jalan Raja Laut.
03 - 2698 6989

Jabatan Pelesenan

Tingkat Bawah, Bangunan Bank Utama
56, Jalan Tuanku Abdul Rahman.
03 - 2698 6177 samb. 100

Jabatan Pengurusan Perumahan

Tingkat Bawah,
No. 12, , Jalan Tuanku Abdul Rahman.
03 - 2691 2112

Jabatan Saliran & Pengurusan Sungai

Tingkat 15, Bangunan DBKL, Jalan Raja Laut.
03 - 2691 6011

Hotline DBKL

03-4022 0033
(Banjir, lemas, tanah runtuh, jalan berlubang)
03-9284 3636/9284 3434
(Binatang berbisa, pokok tumbang)

Talian Aduan Awam

Bhg. Hal Ehwal Awam
03-2699 3852

Hari Mesra Pelanggan

(Sabtu Minggu 2 & 4 setiap bulan)
9.00 pagi - 12 tengahari

Pegawai Bertugas

Muhamad Bin Wahab

Tel : 03-2697 7097

Penasihat

U. Binti Halijah Binti Ohman

Ketua Editor

Zainal Abidin Bin Hj. Mohd. Jain

Editor

Hj. M. Ibrahim

Sub Editor

Haniffa Binti Hj. Hashim

Suriyana Binti Ismail

Jurufoto

Mubarak Bin Mohd. Alan

Abd. Khani Bin Md. Shohor

Md. Ismail Bin Isnin

Cetakan

Unit Repografi

Jabatan Pengurusan Organisasi

Dewan Bandaraya Kuala Lumpur

Alamat Editor

Berita Bandaraya

Bahagian Hal Ehwal Awam

Jabatan Pengurusan Organisasi

Tingkat 5, Bangunan DBKL

Atau berhubung dengan

Suriyana Binti Ismail

Tel: 03-2691 6011 samb. 3851

Faks: 03-2694 1373

E-mel: akhbar@dbkl.gov.my

MENAIK TARAF JALAN TELAWI 1 & 2, BANGSAR

DBKL akan menaikkan taraf Jalan Telawi 1 dan 2, Bangsar, Kuala Lumpur, memandangkan kawasan ini merupakan kawasan yang sangat popular di kalangan warga kota dan pelancong.

Pada 2 Julai 2002, Y.Bhg Datuk Mohmad Shaid Bin Mohd. Taufek, Datuk Bandar Kuala Lumpur dan beberapa pegawai kanan DBKL telah membuat lawatan ke kawasan berkenaan. Semasa ditemu bual oleh para pemberita/wartawan ketika lawatan tersebut, Y.Bhg Datuk Mohmad Shaid memaklumkan Jalan Telawi 1 akan diperelok, di kiri dan kanan jalan akan ditanam dengan pokok-pokok dan rumput renek bagi menceriakan lagi suasana kawasan tersebut. Siar kaki kawasan berkenaan juga akan di baik pulih agar kelihatan lebih kemas dan cantik. DBKL juga akan menambah



Antara gerai-gerai di Jalan Telawi 2, Bangsar yang akan dinaik taraf oleh DBKL



Datuk Bandar Kuala Lumpur menunjukkan plan cadangan Menaik Taraf Jalan Telawi 1 dan 2.

kawasan tempat letak motosikal untuk memudahkan pengunjung tanpa mengganggu kawasan siar kaki.

Sementara itu, di Jalan Telawi 2, sebanyak 24 buah gerai menjaja makanan dan minuman akan dinaiktarafkan supaya ianya lebih mudah di selenggara, kemas, cantik dan bersih. Semoga dengan perubahan ini, Jalan Telawi 1 & 2 akan dapat menarik orang ramai terutamanya kepada pelancong yang ingin menikmati pelbagai makanan Malaysia. Sebelum sebarang pembangunan semula ke atas gerai-gerai berkenaan, DBKL terlebih dahulu akan mengadakan perbincangan dengan pemilik-pemilik gerai tersebut untuk mendapat persetujuan.

Kerja-kerja menaik taraf ini akan mengambil masa tidak lebih daripada 3 bulan.

Operasi Sita Bermula

Operasi sita dimulakan setelah beberapa peringatan dikeluarkan kepada orang ramai yang masih belum menjelaskan tunggakan cukai taksiran masing-masing. Tindakan ini diambil setelah tempoh lanjutan yang diberi tamat.

Pada 4 Julai 2002, operasi sita yang pertama diketuai oleh Timbalan Pengarah, Jabatan Bendahari dan beberapa pegawai DBKL dengan kerjasama pihak Polis.

Bangsar merupakan salah satu kawasan dalam senarai operasi sita DBKL. Semasa operasi tersebut, pihak DBKL telah memberi kerjasama kepada pemilik premis yang berkenaan membuat pembayaran terus kepada DBKL.

Hanya sebuah sahaja yang tidak berpenghuni, justeru itu, DBKL mengambil tindakan menampal Borang H sebagai peringatan terakhir kepada penghuni tersebut agar menjelaskan segera tunggakan cukai taksiran beliau bagi mengelakkan tindakan mahkamah.

Operasi sita yang dijalankan oleh DBKL ini bukanlah bermaksud untuk mendenda atau menyusahkan orang awam, tetapi disebabkan warga kota yang gagal membayar cukai taksiran yang telah menjangkau 3 hingga 6 tahun walaupun berbagai peringatan telah diberi.

DBKL menasihatkan pada mereka yang masih belum menjelaskan cukai taksiran supaya berbuat demikian secepat mungkin bagi mengelakkan harta alih/ harta tak alih mereka disita.